

金繩引證戒賭篇

江甯黃思永
題籤

風陵文庫

文庫19

F136

60

55

50

45

40

F0136

光緒庚寅年刊

戒賭發跡錄

板存前門外楊梅竹斜街永盛齋刻字
鋪如有刷印者概不取資

觀音大士序

嗚呼賭之為害久矣雖有父兄
督責師友規勸亦未能開其迷
端引於覺路輕者傾家敗產重
者無所不至為害甚深諸聖先



賢不忍坐視各垂訓語咸使善
知識者同歸夫正化耳今廣修
彙集羣書輯秩一卷應以命名
曰金繩引證戒賭篇

昔在光緒十六年七月念九日

南海老衲降筆於大悲壇之宏善

聖境

北平弟子韓藻鴻敬書

關聖帝君序

於戲世道之衰人心淺薄世事
 之敗黎民塗炭流離困苦目難
 觀視種種不良欺天害理此人心
 何日挽回吾心何日放下共慶

成者為句

清平之樂同沾

聖瑞之泰幾不見瑞雪飄飄又不見黃
河清笑鳳何鳴麈何游古道無存
曾不見水災大興千古未遇此奇災
此奇災數百萬性命繫相懸深可悲

深可歎吾荷乾坤擔某參化育
機痛黎民憂憂苦扶老攜幼叫
化滿街頭吾心何日放於戲於戲
寔堪慮寔堪憂此奇患尚不早
省悟尚不早驚覺道真作良圖

刑賈篇
序
仁義是為師廉節安本分忠孝
立志懷此方謂天地之完人實
不愧正直貫九霄丹名垂千古
此人心均若是俊傑英雄同生
盛世

聖朝恩澤人人均沾感戴無窮更有

一途迷於風花擾繞習於偏汚
下流而近賭博一道為害甚深
為惡最大伊於胡底何日脫此
苦腦共得清白無玷方是仁人

君子希聖希賢自不外乎此吾
閱金繩引證戒賭篇守念編輯
甚佳立意不差後必光華存心
堅固自無參差今特作此普傳
天涯

光緒十六年十二月初七日降筆於
大悲壇

大興弟子韓鴻勛敬書

大德

大德

大德

海蟾祖師序

世耗千般惟賭為最賭博一事為害最深發凶更速奈何世人迷入此途而終不覺良可憫也其初則以為戲耍而謂無害終成恨賭而無息止久之囊空匱

竭傾家蕩產勢必喪德傷廉毫無忌憚
冉冉入於盜鄉矣悲哉

舉世興衰自古然各依本業且聽天

第一休進么六場孤注局中莫向前

喪德傷廉深可畏傾家蕩產害猶慘

有時微倖雖小獲展轉終為去不還

前車既覆須早鑒免隨沈流入盜源

賜其書曰戒賭發跡錄使已失足者可望

其回頭其未失足者知所以自警自當

捲旗息鼓賭博場中可見太平春色矣

光緒十六年八月初三日降筆於北會

仙壇

大興後學弟子傅維元敬書

賭之一事為害甚矣雖有萬金
家產不難一夕而空即倖而獲
勝而悖入悖出終歸烏有何迷
而不悟也

錄余春源句

賭博朝廷爲首禁。又犯陰律。惱神靈。富貴子弟若貪賭。敗
 盡田園。玷家聲。貧窮子弟若貪賭。好吃懶做。窮絕根。贏
 了喪心。又損德。輸了敗戶。又辱門。縱然輸贏。都不大廢。
 時失業。壞品行。硬賭也有枷杖罪。軟賭更是壞良心。尤
 有一般術賭者。風雷窩拐。打算人。傾人家產。逼人命。必
 遭橫禍。受苦刑。賭博遺害。說不盡。戒賭十條。看分明。
 善文

觀音大士勸賭博文

賭博朝廷爲首禁。又犯陰律。惱神靈。富貴子弟若貪賭。敗
 盡田園。玷家聲。貧窮子弟若貪賭。好吃懶做。窮絕根。贏
 了喪心。又損德。輸了敗戶。又辱門。縱然輸贏。都不大廢。
 時失業。壞品行。硬賭也有枷杖罪。軟賭更是壞良心。尤
 有一般術賭者。風雷窩拐。打算人。傾人家產。逼人命。必
 遭橫禍。受苦刑。賭博遺害。說不盡。戒賭十條。看分明。
 善文

關聖帝君戒賭博解

人生在世不可賭博也。今人人人賭博。未見一人不賭博。

看着細思之。古人未見賭博者。日日衣食俱足。今人日日賭博。聲聞於野。試問有何益乎。賭博者。每日受饑寒何苦如此來受凍。吾戒世人切莫賭博。一日賭博若贏。則日日思不傾家敗產賭博若輸。則賣屋宇以償之。甚至妻妾不顧。子孫不保。只思賭博。有時在家睡枕邊。猶自口呼么。如此之人。可不惜哉。可不惜哉。

帝君戒人切莫賭博

又指出賭博無窮的害處。又連下可不惜哉二句。諄諄誥誡。無非望人戒之之苦心也。今之好賭者。或因自幼放浪。遂致終身執迷。敗產傾家。卒至後悔。所以賭博一條。務要立心斷絕。勿為流俗所惑。勿為人

情所牽。又勿為貪心所錮。庶可潔身立品。倘墮其術中。而不知戒。將見品行下。而倫常乖。心術壞。而盜賊出矣。人可不即早回頭。以求底於無過之域也哉。回頭岸

戒賭十條

賭之害人甚於水火盜賊。無不破產傾家。乃官府示禁而不能止。父兄約束而不肯聽。執迷不悟。甚為可憫。請再以情理勸之。願知非改過者。及早回頭。莫終沈淪也。一壞心術。一入賭場。遂成利藪。百計打算。總是一片貪心。兩相傾危。轉生無窮惡念。雖至親對局。必暗設戈矛。即好友同場。亦儼如仇敵。只顧自己贏錢。那管他人破產。

心術豈不大壞。

二喪品行。凡人良賤高下。各自不同。賭博場中。只問錢少錢多。那管誰貴誰賤。坐無倫次。厮役卽是友朋。分無尊卑。奴僕居然兄弟。任情嘲笑。信口稱呼。有何體統。成何品行。

三傷性命。贏了乘興而往。不分晝夜。輸了拚命再來。那計飢寒。從此耗精疲神。必致損身喪命。更或負債難償。相對無面。含羞忍忿。遂至多病相牽。計屈勢窮。且拚一死。塞責。枉死城之去路。卽賭博場之歸着也。豈不可傷。

四玷祖宗。送了人的銀錢。還笑浪子發財。破了你的家產。

轉嘆癡兒作孽。不能光宗耀祖。反至辱門敗戶。鄉黨皆歸咎其先人。祖父必含恨於死地。

五失家教。賭博一事。引誘最易。家庭之內。見聞極親。尋常教訓子弟。都說須學好榜樣。當場窺看父兄。且云願照現規模。父子博。兄弟博。奴僕博。戲法成何家法。白日賭。深夜賭。密室賭。牌風且釀淫風。家教大壞。可爲寒心。六蕩家產。始而氣豪。則揮金如土。終而情急。則棄產如遺。祖父一生辛苦。僅立門戶。子孫片時揮霍。遂敗家聲。衣裘典盡。止留身親朋。誰惜田宅鬻完。猶負債。天涯何歸。想到此間。豈不可憐。

五則篇
七生事變。通宵出賭。徹夜開場。門戶不關。盜賊每多乘間。燈燭不熄。室廬猶致被焚。甚至浪子資緣而生計。匪人窮伺以爲奸。滅火敲門。主賓莫辨。絕纓解襦。男女踰閑。禍機所伏。不可不慮。

六
八離骨肉。士農工商。各勤職業。父母妻子。互相歡娛。此天倫之樂。亦人情之常。自入賭場。遂沈苦海。典質釵釧。妻子吞聲而飲恨。變賣田宅。父母蒿目而攢眉。只計一人豪爽。不思舉室怨嗟。撫心自問。其何以安。

九犯國法。賭博之禁。新例最嚴。則杖一百。枷兩月。害切肌膚。重則徒三年。流三千里。且別鄉井。紳士照例革斥。

成何面目。衙役加倍發落。須臾之家。與其事後而悔。何如先事而戒。

十遭天譴。厯看開賭之家。每多橫禍。贏錢之輩。偏至奇窮。總由噬人血肉。飽我腹腸。歛彼怨愁。供我歡笑。所以鬼神懷忿。報復不肯稍寬。天道好還。彼此同歸於盡也。通場看來。更有何益。回頭岸

人生必讀曰。天下害人之事不一。而首莫如賭博。能使品行壞。本業廢。口出狼藉之言。足踐污穢之地。奴僕賤人。亦與同坐。飲食比肩。呼盧父母訓誨不聽。妻妾諫阻不入。及敗華屋。美田珍玩。服飾之類。盡爲人有。飢寒迫身。

而盜心起。祖宗之聲名喪盡不顧也。天下不肖之事。至此已極。而人多愛焉者。則以奸人引誘之巧。身墮其術。而不自知也。果能知之。當敗之時。直告于父母親朋。或償其半。以後斷絕不爲。猶爲大幸。乃少年子弟。仍然癡夢未醒也。謂我曾屢勝。偶然負耳。必欲反其所負。而且勝之。不知與我角技者。其人暗相聯絡。以我一人之精神耳目。烏能敵數人之攻擊。况彼所挾。乃假骰子。既精且熟。其收其放。疾如風雨。羽翼多人。鬼神莫測。我以生疎之手。安能勝彼乎。彼先讓。我勝者。乃誘我也。非真也。宜乎愈翻愈輸。而家從此破矣。不甚可嘆息乎哉。世之

爲官者。宜設方以禁止之。同頭岸

文昌帝君戒婦女賭博文

賭博之事。在於男子者。固屬有罪。而在婦女者。更屬可悲。何則。蓋男子者。日在於賭博之場。而藝業不顧。日親於賭博之事。而家產全忘。無恥無羞。上不足以養父母。必傾必敗。下不足以蓄妻孥。甚至於三五成羣。迷而不悟。二三聚黨。去而忘返。雖有官府之告示。而不循遵。卽有家庭之規箴。而不怖恐。縱或偶而護勝。則不肯滿載而歸。終必久而致負。則竟至傾囊以寄。天下有從賭博而致豐盈者。斷斷乎未之有也。彼婦女者。以桑麻爲業。以

紡績為功。外是者均不可好。况賭博乎。乃不謂無恥婦
女。出身於閨閣之外。而文紅不修。置身於賭博之中。而
家法不守。主婦與僕婦同坐。而高卑罔分。貴人與賤人
同居。而上下無別。信口喚呼。奴婢儼然。姊妹任情談笑。
鬟役不啻妯娌。甚至於夫婦一場。體統全失。男女同席。
品行頓虧。雖三姑六婆之輩。未許往來。至是而往來不
避。即同族外親之人。莫輕出入。至是而出入不分。隨婦
女如此。其弊尙堪言哉。是何未思。婦女於家門之外。聚
會嘲戲。已出於禮法之外。而何竟入賭博地耶。奉勸為
丈夫者。先以是為戒。無論婦女不敢為此。即子弟亦斷

不敢為此矣。勸善要規

關聖帝君全書內載

帝君曰。人生天地間。莫不有當守之分焉。莫不有當安之命焉。
獨奈何世人。往往不守其分。不安其命哉。不守其分。是
以過分。不安其命。是以貪命。即如非分之色。非分之財。
命所不當有之色。不當有之財也。而必過分以貪之。於
是乎有嫖有賭。試以嫖論。淫為諸惡首。不可行者也。况
垂訓諄諄。置之度外。而勿顧始也。淫心莫遏。豈患七鎗
入刀。繼也慾火如焚。那管外親內族。以致敗倫常。覩面
目。導親鄰。喪廉恥。庸詎知近報在己。遠報在孫。不爽毫

末也哉。且以賭論。賭必一身貧。不可入者也。况徑寸明。明竟邀痞黨以相昧。臨場呼么喝六。本小本大。不拘入。厥押寶打牌。輸少輸多。不惜。以致偷釵鑲壓局中。脫衣服。還場上庸詎知典田賣地。當宅售基。非屬空談也哉。統而論之。淫有報復。賭有贏輸。我淫人妻。人必淫我妻。我贏人錢。人必贏我錢。壞行既多。損德更大。俱不可爲之事也。如曰可爲而必欲爲。是爾與偃月作對頭。以鋼刀爲伴侶。吾斷不宥爾其無悔。

又曰賭殺機也。殺無兩贏之情。今夫呼么喝六一。吶喊對敵之形也。揀字搬張。一同馬拋鎗之計也。兩人對坐。宛

如兩軍對壘之場。八面觀台。依然八卦排陣之勢。揭碗則豪情萬狀。儼似一將當關。開符則得意十分。混同干師奏凱。勃勃然自尊自大。詡詡然衆推衆稱。滿擬收盡全盤。一刀殺去。無敵手。誰知輸完半本。幾次趕來。落空城。嗟嗟。敗爾之家。辱爾之門。良田美池。歸於戚族。嬌妻愛子。受此飢寒。普世城樓。嗚吼。揀炭捧灰。害於牌寶之間者。亦復何限。烏足惜哉。夫以萬金祖宗之家。保守撐持。富貴可享也。子孫可發也。朝廷鄉黨。亦無不見稱也。而顧進誘敵之場。任敵軍之弄。祇須盛饌開筵。而拍頭已蝕血本。祇須美人裝烟。而賞號已破腹田。試問好賭

之家。誰不至男盜女娼。家破人亡。而絕其後嗣乎。萬毒相攻。深深莫解。今朝羣仙飛鸞。或戒以因風起火。或戒以引水入墻。惟茲庶民。其勿走入迷途。墮於惡趣。幸哉。還源返本。有可望焉。吾特以殺機醒之。已犯者。即早回頭。未犯者。宜防梟首。由是正己化人。而風俗以美。猗歟盛哉。吾所願也。由全書內摘錄

呂祖戒賭博文

天下士農工商。各有本等。即或相聚飲酒。共會博奕。已出禮法之外。况明明賭博者乎。怠惰自安。游閑日尚。不惟廉恥頓喪。並且風化有慙。將見富貴之家。千金之產。不

難一擲而亡。萬頃之田。自必終夜而盡。富貴者。難保其富貴矣。富貴者。幾至於貧賤矣。不謂昔日之富貴。如是以賭博是習。今日之貧賤。如是。仍以賭博是習。甚至於朝謀夕謀。滅己身口體之奉。晝算夜算。竊妻子財帛之需。雖然。猶有甚於此者。或賣妾出妻。無所不至。典兒鬻女。無所不為。雖親友鄙棄。而毫不知羞。即鄉黨輕遺。而恬不知恥。噫。賭之為害。亦甚大矣。竊願好賭者。流改絃易轍。早逃陷阮之中。革面洗心。不在污泥之內。由是而縛其手。由是而勞其身。由是而立其業。由是而築其基。雖祖遺無餘。而不難培植。即先德辱玷。而不難贖回。天

必爲之護佑。人必爲之哀憐。又何至妻子凍餒。父母饑寒也哉。好賭者亦可以知返矣。勸善要規

呂祖戒賭詩

人間何事尙相爭。惟有賭錢理欠明。幾載場中競勝負。通宵局內論輸贏。偏多子母無相見。那得家園有所成。試看營營財利計。將來赤手不能行。勸善要規

呂祖仙師戒賭

恨到人間賭則多。迷津不返可如何。牌場羣繞頻摩席。寶盒互傳似擲梭。典盡衣裳堪比鬼。賣來器具又生魔。乞兒半是富家子。產業凋零豈有他。堅心忌賭是英雄。悔

過自新福靡窮。半世能遵良友訓。諸神不記舊家風。牌皮化作抄文紙。寶盒鎔成鑄鼎銅。果爾終身除惡業。門前定有榜花紅。覺世正宗

文神趙大仙戒賭

勸君切莫耍新正。去盡賭風致太平。年下鬼來勘善惡。案前神忌講輸贏。牌皮圓處馨香缺。寶盒重時俎豆輕。除日本爲追遠節。宜將孝行說分明。兒孫貪賭鬧元宵。致使祖宗心似燒。局內喧聲無斷續。案前香火忍蕭條。對天誓得雷霆咒。遍地種成福祿苗。能改前愆皆孝子。管教雲路坐逍遙。覺世正宗

呂祖大化歌

賭風多可奈何。苦勸諸君聽我歌。良心日衰薄。家業日消磨。無數惡緣祇爲他。覺世正宗

曹祖仙師戒賭文

小仙降乩讀書堂。靜修齋中作教場。本爲賭風來布化。乩寫出小文章。哀哉賭風徧地有。攬亂江山如沸湯。卽有官員出告示。權作風聲過耳旁。狐羣狗党頻相聚。不管閑來不管忙。晝既賭兮宵又賭。妄將燈燭點輝煌。貪賭之人皆不孝。氣殺家中雙爹娘。可嘆爹娘多溺愛。反將賭事教兒郎。教兒學賭有何益。輸盡田園逃別莊。卽

使田園能保守。慈兒之道也有傷。何況賭人必敗產。父在不爲待父亡。父亡之後輸得盡。復有何物備蒸嘗。賭人卽有良友勸。藥石成仇恨如狼。自說賭無欺。人事贏得錢來也不妨。又說賭爲丈夫事。反勸朋友上賭牀。夜間賭到東方曉。忍教妻子守空房。兄弟欲分多不忍。只念同胞哭斷腸。光棍到門來討債。門裏門外鬧洋洋。有錢能還無錢窘。無可奈何逃他方。卽逃他方也無益。光棍之債勝錢糧。到得回家人又討。賣盡家產把債償。家產賣盡猶不足。甘爲賊盜作不良。竊人財帛償不盡。強逼妻子作暗倡。妻子不從難受苦。嗚呼一命絕。高梁祖

業飄零難再娶。獨爲乞丐何淒涼。纔知誘我同賭者。暗裏早將毒藥藏。毒藥賭中隨時有。正月之時尤當防。此月鬼神勘善惡。暗使賭人魂不強。祖宗到家見兒賭。案前血淚灑千行。欲來戒賭又無計。只爲世界隔陰陽。局內吃煙用香火。那管案前早無香。卽有小兒把香炷。爾之孝心早已忘。博賭之家天不保。任聽邪崇去爲殃。賭錢絕無發家者。卽使發家亦不長。勸君快把賭風忌。忌來我卽奏。

玉皇敢保求名如反掌。敢保取利如探囊。敢保壽數如松柏。敢保兒孫如鳳凰。一切疾病皆不到。合家男女得安康。賭風

到處果能已。四海昇平比虞唐。去盡賭風天下定。

大清萬世作君王 覺世正宗

呂祖仙師戒賭文

甚矣夫賭之不可爲也。但就賣房時觀之。已足令人傷心。已足令人墮淚。想祖父之修此屋也。家道稍裕。則恥所居不如人。於是變易茅屋。建修瓦房。費資財。勞心力。延良工。請巧匠。買大木。尋方石。甄之減色者勿用也。瓦之不成者勿用也。土之不佳者勿用也。迨修造時。惟恐工人欺我。酒食待之。言語撫之。擇日上樑。按時豎柱。房前屋後。處處勞心。何其苦哉。何其苦哉。及落成時。畫棟雕

墻煥然改觀。豁目一望。不啻天堂。鄰里賀之。親戚賀之。朋友賀之。合家老少。皆欣欣有喜色焉。父母曰。吾得終老此屋。雖死無憾矣。兄弟曰。吾得同居此屋。雖貧無妨矣。妻子曰。吾得常居此屋。雖賤無怨矣。何其快哉。何其快哉。一旦生子不才。貪賭傾家。賣盡田產。又賣房屋。當未賣之時。合家知之。父母哭。兄弟泣。妻子叫。心如刀攪。情似火燒。見人雖言笑如常。而羞憤不可勝言。何其痛哉。何其痛哉。及移居之時。家人戀戀。不忍出門。左顧右望。滿目含淚。到別屋居住。舉目一望。滿室蕭然。墻皆糞土。簷皆茅草。書棟何在。雕墻何在。甌牀也。而土牀矣。書

壁也。而土壁矣。舊屋光景。舉目皆非。何其痛哉。何其痛哉。父母久居舊屋。心之所思念之所結。無時不在舊屋。卽夢寐之間。亦不能忘。夜間有夢。言笑猶在舊屋也。坐卧猶在舊屋也。飲食猶在舊屋也。夢中幻境。亦覺快心。到得醒時。悠悠忽忽。多時不辨真假。及目爽神清。方知是夢。枕上流淚。盡成血珠。而兄弟妻子。其景象更可類推矣。何其痛哉。何其痛哉。除日大祭。祖宗魂歸。猶以爲兒在舊屋。及到門前方知。是他人在此。痛哭一回。含淚而歸新宅。及到家中。兒孫猶是。房屋皆非。坐在案前。無心享祭。雖有酒食在前。亦任其冰冷而已。陰中號哭。無

計可施。門神竈神。俱為傷心。何其痛哉。何其痛哉。自賣房之後。家人過舊屋。父母不忍抬頭。兄弟不忍舉目。妻子不忍停足。即他人見之。皆曰。此是某某舊屋也。屋猶是。而人則非。何其痛哉。何其痛哉。夫賭之為害。不第賣房一事也。而賣房一事。其害更顯然可見。故我今戒賭。特即此而言之。凡世之貪賭者。何不作回頭想耶。覺世正宗

純陽帝君戒賭博

晝夜賭場去。贏金。庄田蕩盡。始灰心。父母凍餓。妻子離天。

地震怒罪莫深。玉歷鈔傳

柳老仙師戒賭文

甚矣。賭之為害也。為亂者。都因賭而起。為娼為盜者。亦因賭而生。此賭之事。不可為也。而更有不可為之理在焉。夫賭而不亡身。喪家者。幾希。試看賭者之物。皆父母所遺者也。父母創業之時。夙興夜寐。東跑西顛。千辛萬苦。無一不嘗。蓋欲後人飽煖。以繼先人香煙耳。乃一旦生子。不才貪賭。傾家。父母若在。以邁老之年。竟受飢寒。前日富貴之交。此時不能與比。嗚呼痛哉。嗚呼痛哉。父母不在。典房賣地。遠逃他鄉。當祭掃之日。香火連墓。馨香遍野。人父母捫腹。饜飮。笑容可掬。何其快哉。何其快哉。而我父母。竟在空野。無人來祭。穴中淒涼。獨為無主之。

鬼見人食贍酒肉。欲就乞食。人坐高堂。瞑目若不見。欲自拿食。人叱如狗。何其痛哉。何其痛哉。除日欲到家享祭。而看人父母高坐案上。子孫焚香斟酒。何其快哉。何其快哉。而我子孫不知流落何處。家猶在而人則非。想當年吾在此屋。東坐西歇。任其自然。而此時欲入戶門。神叱之。祇可在門外號哭。無淚不成血珠。除日無鬼不享快樂。而我獨受艱難。何其痛哉。何其痛哉。念及此而賭心應如灰炭。此在父母不可賭者也。且家產輸淨。房地賣了。衣服更無所出。久而懸鶉百結。乞丐西東。無衣無裳。惟有一狗皮。獲胯下而已。雖滴水成冰。亦得

出窩乞食。雖炎日如火之天。亦得沿戶千人。夜無人留宿。或宿人草園。或宿人門下。或宿曠閒之室。或宿溝壑之中。日日棍挫狗牙。又不得常飽。前日之交。此時都去。請問前日寶牌場處。猪肉羊脯。粳米飯。黃白酒。何其快哉。何其快哉。此時比那時如何。念及此而賭心尤應盡消。此在自家不可賭者也。倘若子孫爲盜。妻女爲倡。致使世人賤惡。子孫憾爾。妻女怨爾。或賣與人作僕。或賣與人作婢。回想當年。我亦曾使過僕婢。而此時竟爲人之僕婢。何其酸心。何其慘目。念及此而賭心更當盡去。此在後嗣不可賭者也。諺有之曰。人家三世讀書。必出

一秀才。三世秀才。必出一舉人。三世光棍。必出一頑童。此言雖戲。然皆寔事。世人皆當銘於肺腑也。奈何竟不顧乎。人勸之不聽。神勸之不從。且曰。家業吾創者也。吾輸何妨。又有曰。吾雖賭錢。未嘗合局。未嘗弄巧。吾有何罪。又有曰。吾雖賭錢。未嘗輸錢。未嘗貪賭。又有何罪。又有曰。吾祇正月賭也。更有何罪。不知雖未嘗合局弄巧。亦是賭也。雖未嘗輸錢貪賭。豈非賭乎。正月之賭。則以為小。乃真以五十步笑百步者也。更有曰。賭能發家。夫賭何嘗能發家哉。雖發家亦不能長。即能長亦不為美。更不知復有一種大刑罰。死後炮烙。油鍋。石磨。刀山。劍

樹。無一不受。復使變牛。變馬。變蚊。變蠅。永無一點魂魄。留於世上。何其痛哉。何其痛哉。今我此言。雖非真經寶訓。然於戒賭之意。誠深切矣。諸君若聽此言。已賭者務早回頭。未賭者急防失足。是則小仙之所深望也。勉之。覺世正宗

司命張真君家箴十則 內 勿入賭場

戒賭之支靡窮。斷賭之家有幾。總由沈淪苦海。遂難濟拔。迷津。然後事而戒。忌賭者且無二三。先事而防。不賭者豈僅八九。謹告父若兄。嚴管子與弟。以賭場為地獄。勿令一次遊遊。謂賭者有天殃。不憚再三警惕。但愁飽煖

生閒事。可弄琴書寫天機。如此善念常存。庶乎賭風不犯也。覺世正宗

曹

大仙戒賭賦

以浪子收心成好人為韻

將欲杜詭譎於寰中。著廉明於世上。彼易俗而移風。此型仁而講讓。則必放流賭匪。殺機絕而長厚興。嚴禁賭風。奸詐泯而清廉尚。若不勸其根而絕其種。刪除一切萌芽。應教源必遠而流必長。湧出千層波浪。不見世之習賭者乎。四業全拋。一家弗理。紅顏哭壞。莫憐枕畔辛酸。白髮氣翻。遑計堂前甘旨。伴約一般脚色。換勝搖頭學。來幾樣手段。磨牙恨齒。七扯八挪。親友聲援。甚是赫然。

三山五岳門人。結黨並非偶爾。裝模做樣。居然號作相。蜂出氣吐詞。勢必不當。空子還恐心機未活。眼力不優。遍訪名師。習成妙手。廣求藝客。辦就門頭。幅數花牌。大小無非論將。寶搖骰子。單雙迥異。擲猴審遲。速於彈錢。常帶風雷窩拐。記過鋪於天九。時防盒子。搜鉤扯七紅。而頭子常飛。寬窄在人。變化打八塊。而順數每數。輸贏看勢。可不如非將遇良材。頭也打而稍也放。倘若棋逢對手。旂預捲而傘預收。且其常邀場伙。每次煽金。遠方引誘。近地搜尋。擺就天羅。專套鄉間毛子。布成地網。不分局內知音。每聞陣打黃昏。鏜鏜與鈎鈎。常帶恆見缸。

開財庫
起白水。牛牛合馬。馬並擒。勁返耳巴。天黑繳票。腿尋狗。
勝日紅遮陰。羊子筋鬪去。人人喪膽。龍門陣擺來。箇箇
寒心。於是人誇巧妙。自詡藝精。不分父子。莫辨弟兄。逗
點散方。族戚盡行割死。用條詭計。親朋無處逃生。故捏
許多枝節。暗藏無數甲兵。無賴之徒。儘管贏來推磨。有
錢之輩。何妨扯去填坑。看他不講良心。銀錢安在下得
者。般毒手。家道怎成。所以境反蕭條。身愈潦倒。禍患頻
生。室家莫保。嫁妻鬻子。傷心問有誰憐。帶鎖披枷。掃臉
良由自討。神既禱祥。不降焉顧皮毛。鬼乃禍崇。交加暗
摸頭腦。壞盡無邊心術。瞻門第不復煥然。維新做窮不

了工夫。想境遇烏能延及到老。是非天眼之太低。寔爲
人心之不好。看來災祥非假。報應是真。盍翻白眼。徧覽
紅塵。世上之耍兒。卻多有幾箇。開花結果。寰中之尖子
不少。是何人改舊換新。有咲來頭。純是遭逢窮鬼。縱多
過脚。何嘗撞著財神。快丟那切行頭。回頭在我。速作者
般了手。收手爲人。爰將誥誡宏頒。銘箴廣布。施救葯於
塵寰。寶靈丹於道路。普願賭錢好漢。觸目驚心。更望搖
寶假哥。回頭止步。共守王章。而免劫。國家樂熙皞之天。
同遵聖教而立功。鄉黨無猜嫌之故。毋昧厥心。當聆此
賦。救生船。

河南總城隍降窩賭剝財害人身命惡報文

夫賭之爲害不可言也。入其場者。靡不敗身家。害性命。而遭天譴。嘗見無業浪子。殘刻貪夫。設賭博以營生。勾挑良善。伏陷阱而漁利。流毒士民。夥無賴以同謀。猶藉口於招朋聚友。誘愚民而墮局。時設心於圖利。剝財未事。則畫謀定計。結不漏之網羅。既事則暗弩伏弓。射無厭之財利。致使貧窮微賤。賣子鬻妻。時或殞厥性命。豪華富貴。傾家蕩產。因此落於下流。豈知天道好還。報應不爽。水火瘟疫。軍流大辟。卽是窩賭剝財結局。害人身命。下場彼天罰陽律。如是森嚴。豈陰法冥刑。幸能寬恕。吸

人脂膏。罪發野狗分食。害人性命。押赴銅陀吞身。刀山劍樹。報其奸心。火燄寒冰。償彼窩賭種種刑誅。皆由局賭所致。明明慘報。爾輩卽早改圖。返性圖

丹陽道祖賭博宜戒說

天下聚賭之人。心中恆有想怕兩字。所想者何。贏而已矣。所怕者何。輸而已矣。雖然常賭想贏。未必皆贏。常賭怕輸。未必不輸。再者贏者之人。以白來之錢。其心若曰。我再賭再贏。豈不甚善。卽或不贏。只當未贏。於是愈賭愈熱。愈熱愈賭。誰想倏忽間。將贏者輸了。既輸了。就該別想再贏。而若人不以爲然。蓋謂贏者復輸。輸者未必不

復贏第非罄其所有。捨命一戰。輸者不易恢復。故手內
銀錢。盡行下上。恨不的將人手內銀錢。都輸與我。而其
心始快。於是此也。越賭越不起。席彼也。亦越賭越不起。
席由一日以及數日。由數日以及百日。致頭家七折八
扣。伊兩家盡赤手空拳。全歸於無有已矣。賭者戒此。救
世寶囊

丹陽道祖賭博致害說

嘗嘆好賭之家。貪得不厭。迨至輸得兩手空空。無論加一
截半之錢。只要有人敢借我。我即敢使。初不想借之者。
見你有房產。有地土。有鋪戶。有妻孥。他纔借給你。倘輸

沒了房產。沒了地土。沒了鋪戶。沒了妻孥。迫你家中一
無所有。他便推托手中無錢借你。再者賭博之中。機械
多般。總你有一定之見。決不至此。或就你賭錢之時。背
後竊取你之物產。或就你賭錢之日。陰中勾引你之婦
女。這些意外之事。也是賭場中所習有的。即或不然。坐
壞了你的精神。豈不是自取其病。干犯了國家律條。豈
不是自取其刑。吾今奉勸世人。千萬以是為戒。勿蹈斯
轍焉。可救世寶囊

丹陽道祖賭局莫路說

天下所最壞者。莫若賭博之心術矣。何則。竊見操是業者。

遠訪名師習成妙手。周諮藝客辦就門頭。明明假寶盒也。裝作真的規模。明明假骰子也。弄作真的景象。倘非將遇良材。或墮其圈套之內。不是棋逢對手。定遭其計算之中。卽不然倚仗著心靈性巧。手急眼快。頭也打你的梢也打你的。且要你無處開口。無處見天。假近地無有賭家。向遠方勾引。遠方無有賭家。向近地搜尋。並且使奸謀。開响局。招來鬧熱。誑誘愚頑。每待黃昏之時。黑夜之候。遂起不善之心。輒逞有法之手。無論你是親是友。是舍是鄰。盡被我鉤鏗鐮之而不能逃。嗚呼。如是等輩。神既災殃之必降。不顧皮毛。鬼更禍崇之交加。沒有

體面。雖賭錢者。盡是耍兒。那一個得好結果。開寶者。悉屬尖子。又何人得善收緣。天地間報復是真。耍爾耍兒。回頭孽海。古今來循環不假。耍爾尖子。止步迷津。今日者。垂我青眼。盼爾紅塵。庶幾風俗不變。景運維新。不致乖我朝之王章。辰尼山之聖教歟。救世寶囊

丹陽道祖賭匪勿近說

天下最可恨者。賭匪之徒。賭匪者。日日樹援。原非偶爾。時時結黨。甚是赫然。手眼通天。只是網世間之利。聲華掃地。那管忝祖上之名。家中事業棄焉如遺。心內愁腸。置而弗掛。幅數花牌。用心惟在論將之內。盒搖骰子。逞計

更勝擲猴之中推之花賭酒賭。謀上加謀。奸賭詐賭。計再安計。賣去紅顏。賭匪較諸賊匪而猶慘。氣死白髮。賭匪衡諸教匪而更兇。噫。果誰是入天羅之中。速速轉首。墮地網之內。早早回心也哉。奉勸賭錢好漢。滌面洗心。搖竇假哥。更新易舊。懍懍焉。以賭場當作殺場。惕惕焉。以賭局當作騙局。趕緊逃生。免去送死。急切撒手。莫待亡身。庶幾輪上幾串錢。典上幾套衣。不致賣子鬻女。拆散我家。帶鎖披枷。受懼國法。歟。爲賭匪者當崇此戒。世寶囊

丹陽道祖戒賭文

賭之一字。皆由於貪字起見。上而官府。下而黎庶。外而男子。內而婦人。往往夜聚明散。共席同桌。始則如同好友。繼則轉若仇敵。勝者歡天喜地。負者怨已尤人。倘勝者日見其勝。必貪得無厭。負者日見其負。必圖復維。殷苟圖復不得。而手指仍癢。將必爲之鬪毆矣。鬪毆不已。將必爲之興訟矣。卽或不然。將必家產傾敗矣。傾敗不已。將必衣冠典當矣。典當不已。將必陰夜竊盜矣。竊盜不已。將必白晝搶奪矣。賭博至此。爲害已極。雖有父兄督責無益。卽有師友勸懲徒勞。推之國家之王法。彼視爲笑談。皇天之報應。彼視爲虛謬而已。若而人者。一念貪

念念貪。更無一念之不貪。一時賭。時時賭。更無一時之不賭。卽或囊傾而送。不肯干休。必待氣斷而亡。庶幾乃止。吾知其留下妻女。必致敗俗而傷風。遺下子孫。必致閒身而遊手。若有錢時。仍要入局。若無錢時。猶要坐觀。不致身作餓殍。而己者。噫亦良苦矣。奉勸好賭者。以是篇銘於几。銘於杖。並銘於盤。庶乎側身修省。不敢復蹈此轍也矣。勸善要規

隱君道人戒窩賭文

甚矣好賭之爲害矣。雖然好賭者。每屬害己。而窩賭者。恆致害人。設此陷害之阱。以誘良善。立此復毒之網。以引

富豪。不管人之或餘或欠。每日取財若干。不論人之或輸或贏。逐天獲利如許。並且備辦酒席。以令人不得回家。兼爲安置寢牀。以令人不得返室。甚至小伺往來。以爲酬酢。奸人陪伴。以爲勾挑。或謂我手下乏了。不能復賭。或謂囊中空了。不敢再賭。而窩賭者。若曰。我有黃金。爾將房地典我。可以復賭。我有白鏹。爾將妻子鬻我。可以再賭。奈賭錢之子。恒屬性熱。遂有一時不悟。被其愚弄者。於是或房地一空。或妻子一淨。到得此時。好賭者追悔已晚。若到後日。開賭者報應更凶。或遠徒大辟。報在今生。或戴甲披毛。報在來世。或攝魂奪魄。入於血湖。

池中或竟委窮原置於刀山樹上等等刑具皆為開賭所陳種種刑誅悉為局賭所設陽世如此害人陰府如是罪爾窩賭者不知急急改轍勸善要規

戒賭博

休誇賭錢是生涯好賭人人盡破家廢寢忘食荒正業還

遭官棒更拖枷傳家必讀

蔣省菴先生戒賭文

聖朝移風易俗首禁賭博至嚴誠以賭博之為害至大也今當嚴禁之後似乎其風稍息然特不敢顯為之耳其為之最勤者無如富貴之家不止男子為然也閨閣抑

有甚焉者不止上人為然也臧獲尤有甚焉者夫富貴之家既相習成風又何怪乎閭閻細民今試言閭閻賭博之害有三曰聞曰盜曰私
聞曰私
同桌共戲儼然好友也既而勝者得意負者怨怒則不免口角矣口角不已至於鬪毆衣冠盡裂頭面皆破賭必至於鬪者其常也負而即止尚不失為智惟不甘心於負而必圖復本性急手癢挾采不得則不禁出於盜竊矣一破敗而當官枷責尚可為人乎開賭之家羣聚惡少於一室已則自守頭瓶復有閒漢數輩遞湯遞點出入毫無顧忌夜深假寐廚下與婦女雜處安保其無私事乎敗壞風俗莫甚於

此三者矣。自來賭博之人。亦有二種。一則貪財性成。妄
思滿載而歸。不覺傾囊而送。蓋當其勝而貪心益熾。不
轉瞬而仍還於人矣。及其負而貪念未息。不轉瞬而不
留一文矣。蓋由貪心而傾家蕩產。父母怨恨。妻子離心。
者所在皆是也。一則遊惰之子。不習手藝。不嫻生理。專
以賭廠爲棲身之地。有錢則入局。無錢則旁觀。不顧父
母之養。不思終身之計。卒至凍餒而死者。非一人也。至
於富貴之家。以菓子爲遣日之具。較勝負於錙銖之間。
家長罔知羞鄙。子弟從而效尤。家教安在。若閨閣中。妯
娣姊妹羣聚而戲。已非正理。而更雜以三姑六婆之屬。

外親同室之人。其弊尙可言哉。語云。牌風卽是淫風。良
有以也。賊獲日見其家主之耽於此也。則心無所畏。而
拋職業。違使令。戲具出諸袖中。同輩不招自合。竊油燭
以供夜戲。盜銀錢以填所負。責之則已遲。且責之仍不
悛也。按音。註其亦未聞治家之道者乎。吾願戒賭先自富貴之
家長始。家長旣絕不爲其事。則一家之中。子弟斷不敢
爲。而惟知勤誦讀。閨閣益不敢爲。而惟知勤女紅。賊獲
之輩咸畏家法。而必無有敢犯者矣。將見閨閣細民。亦
凜然於國法之不可犯。雖甚不能忘情於賭者。亦若束
其手。而能保其家。能養其親。能勤其生理。以糊其口。而

上所列之三害俱泯矣。風俗之良何如哉。同善錄

戒賭文

古之士民各勤其業。俗厚風淳。家給人足。今也不然。游惰是習。三五成羣。呼盧博奕。博奕有涯。呼盧罔極。廉恥斯喪。禮義盡失。良善不分。主僕無別。富厚之子。千金一擲。始雖豪華。終則狼籍。貧窶之夫。願減口食。始竊妻財。終作盜賊。蕩盡祖遺。玷辱先德。父母凍餓。不謀所入。妻子飢寒。不知所出。一切罔顧。惟呼盧是急。甚至莫措。妻兒變易。鄰里共輕。官府必責。刑罰既加。心終莫釋。至死不悛。為害非一。揆厥初心。貪他人物。物各有主。豈容妄竊。

所以貪婪神聖必斥。若肯回頭。改行易轍。各安生理。至訓是式。家業可興。邦國為則。携筭之風。惟期永絕。同善錄

戒賭歌

最可惜。浪費錢財輕賭沒。百般勞苦博分文。祖父營謀誠費力。些須開口告人難。一擲千金堪歎惜。請君但看好賭徒。窮極無依為盜賊。請君細看局賭流。折害兒孫遭絕滅。在行的快省得早收拾。莫聽兇邪狠拖拽。莫見陷坑心裏熱。公平務寔做人家。早起晚眠無債徧。若還只作耳邊風。寒落窮愁誰替得。同善錄

施愚山先生悼賭歌

我今有忠言。勸君切莫賭。人道賭爲樂。誰識賭中苦。衣食謀生路儘多。一任仕農工與賈。惟有賭錢人。想起真愚魯。總是起貪心。頃刻思求富。小小得甜頭。便入迷魂府。此是陷人坑。此是嚼人虎。只怕乖而不肯來。那怕來而不入夥。相對有戈矛。相交無肺腑。徹底下流人。引入金蘭譜。興到誰知飢與寒。神昏那辨晨和午。田疇不暇耕。筆硯封塵土。明知新律嚴。不畏官司捕。父母等閒拋。妻兒全勿顧。贏了更貪多。輸了翻前負。贏得來時不復存。輸將出去剜瘡補。告貸已無門。拐騙將無路。弄得赤單單。朝夕渾無度。那箇哀王孫。何處逢漂母。且把過來人。

逐一爲君數。也有備錢館。穀一朝空。年年落魄身。無務也有豪門濫。賭浪揮金華。堂賣盡遷蓬戶。也有天涯遠客。罄歸囊。窮途流落難移步。也有作戲逢場。偶效尤荒。耽日盡迷雲霧。也有張羅設網。老賭家。下梢到底仍如故。細推詳。天亦怒。拆人房。不用斧。射人頭。不用弩。裂人腸。不用砒。礪蠱。只消一個賭錢場。狠心惡少。羣蛆附。白日打劫無休歇。傷財喪命人不悟。地方盜賊自茲生。少年子弟終身誤。聽我唱樵歌。爲爾開狂警。急早猛回頭。各各思當務。汝若有閒錢。何不施貧戶。留些好樣與兒孫。剩點田房還祖父。千日山中一日醒。翻身跳出豺狼。

鳴同善錄

顧南巖曰。莫親酒徒。莫近賭友。雖遇吉凶弔賀之事。親友招飲。亦須撙節。不可乘興盡醉。酣身濡首。雖遇長至元旦之節。往來拜賀。亦須檢束。不可乘機尋樂。擲色耍錢。即新正擲狀元籌亦賭博之漸。俱宜杜絕。一入圈套。如身投陷阱。而卒莫能脫。將見良田美產。隨至罄空。作人奴婢。向人求乞。以至穿窬竊取之事。吾不能保其不為也。語珍切要

西江月俚語

遊手好閒有損。專心務本無虧。賭錢場上使錢財。金寶猶如土塊。能使英雄落魄。也教富貴成灰。勸君及早把頭

回。免受飢寒之累。語珍切要

勿賭博

昔人博奕。不過消遣適興而已。至今口流為呼盧鬪芻。專以賭錢為事。風俗敗壞。莫此為甚。夫耍賭。最是下流所為。貧販奴隸之徒。沿街擲錢。冷廟鬪色。為民上言。猶必緝訪治罪。乃今賭風偏盛於縉紳士夫。儼然身列仕版。目詡貴人。及貪心無處發洩。則詐謀試之呼盧。設局開場。引誘少年子弟。甜言巧語。哄騙富戶癡呆。一入圈套。百計擄掠。妻子從而乞肥。奴僕因之生色。甚至娼優臧獲。對席並坐。只思利其財寶。絕不顧及體面。良心喪盡。廉恥全無。種種醜惡。有不堪述者。修齊輯要

陳成卿戒賭十則

一曰壞心地。假手博奕以攘人財。與盜賊何異。此勝者壞心地也。因賭傾家。往往飢不擇食。卽喪天理。寡廉恥之事。亦悍然爲之。此輸者壞心地也。二曰耗貨財。一入賭局。倘因偶輸而小懲大戒。其害尤淺。若妄想求復。斷無不蕩盡家財。每見富貴家以賭至赤貧無依者。不知凡幾矣。三曰誤正事。士農工商各有正務。一受賭迷。廢時失業。流落下賤。卽偶爾同戲。未至沉溺。然此時身爲繫縛。或有不容已之事。亦轉托他人。因以覆敗者有之。且慶弔以此失禮。期會因之爽信。若身居富貴。事尤浩繁。流連角勝。致多人守候之苦。所誤更大。

四曰傷天倫。子好賭。親未有不怒且憂者。甚至已資蕩盡。百計以攘親之有。使高堂日夜鬱忿。是尙可以爲子乎。不惟是也。更傷兄弟。賭極窘貧。強者侵奪。弱者借累。嫌隙一開。相戕無已。不惟是也。更傷夫婦。忠言規勸。動遭反目。鬻簪珥典衣服。致妻子衣食無靠。終身失所。五曰致疾病。沉迷酣戰。夜以繼日。元神耗散。飲食失節。寒暑失宜。兼墮天術中。囊橐一空。心生憂忿。種種戕生。皆賭之故。六曰結怨毒。賭局爭端。甚多。雖至親密友。往往反唇攘臂。親情友誼。頃刻頓忘。一時記恨。報復無窮。七曰生事變。賭輩類少正人。出入往來。門戶疎虞。致生盜賊之變。夜深人倦。薪火未熄。致生回祿之變。

晝夜不歸。家門不謹。致生姦淫之變。爭忿告訐。或被查拿。而縉紳之裔。譽望之儒。問罪受黜。則又身名之變。八曰損品。望凡迷於賭局。卽聰明俊秀。人料其學業無成。家道必敗。鮮不輕賤之。正士弗與交。貿易勿與夥。婚姻勿與通。此好賭之人。一文不值也。九曰召侮辱。賭局無分貴賤。雖極下流。皆爲同輩。一言不合。動加欺侮。既與同賭。莫可如何。十曰失家教。身帥以正。然後可以訓子孫。馭僕隸。好賭則子弟時習爲固然。長而禁之。鮮有能從者。且所往還。多淫朋浪子。孫朝夕與狎。志氣日乖。言行日壞。其敗不止。傾家資已也。至下人因賭致盜。豈非主人實教之偷乎。噫。賭之害如此。其奈

何勿戒。修齊輯要

潘公免災救難寶卷

賭局開不得。陷馬坑。害人不淺。王法不赦。後來必然餓死。粵東賭風盛于天下。甲寅之盜賊。由賭館而出。議者以爲賭不宜禁。真正害死世人。然聞有一署石龍左。力禁娼賭。地方頗安。惜在任未久。然數百年來。未禁之原。非不可禁耳。潘公勸善直言

勸戒賭博歌

勸世人莫貪賭。永不觀看。賭博人犯王法律例甚嚴。有一等貪賭博存心不善。跟集會設賭局。懶務莊田。

說仁義講禮智暗藏刀劍。賭博人心似刀口似蜜甜。
 或張王或李趙不分貴賤。你能來他能招只要有錢。
 上至士下至盜同坐棹案。賭博人沒低高李四張三。
 骰子場沒大小由人取便。一抽頭二拾漂三壞心田。
 贏了的先拾錢喜笑滿面。輸了的愁鎖眉恨地怨天。
 這骰子不湊巧不隨心願。擲下鬼賣了快順二倒三。
 眼前裡雖贏下數十餘串。無義財好比那消雪一般。
 又有等好押寶還有瞧看。分四門各押各么二四三。
 押定了一賠三將心操濫。眼觀看想贏錢心跳膽寒。
 卽贏錢更勝是偷絡騙。若輸錢好似那刀割心肝。

也有那無分文哀告借欠。叫寶官再放相坐卧不安。
 七頂十入折扣心中情願。又還有押辦場好比入監。
 又有的手無錢心急似箭。寶場輸寶場撈脫當衣衫。
 不久時又輸了還未吃飯。心兒裡好一似滾油來煎。
 慢工夫壞心術點燈熬眼。久貪賭神仙輸話不虛傳。
 你越撈你越深輸下幾串。同家去必定要典賣莊田。
 又有那光棍叫高聲呼喚。父母知妻子曉吵鬧不安。
 也有的因賭博分散家產。還有那先拆房然後賣磚。
 因賭博拋父母妻子離散。因賭博落乞討浪遊外邊。
 腹無食身無衣晚歇廟院。臨危時死曠野屍首不全。

勸爾等訓子弟賭博莫看 集會上有賭博嚴禁為先
傳家訓讀格言

貪賭證驗

丁湜熙甯九年得捷鄉試相國寺一術士見之謂湜曰君
氣貌極佳今年鼎甲當屬子矣時同榜二蜀士多貴好
賭湜勝六白金如數攜歸後詣寺中術士驚曰君今氣
色大非前此得非有損人利己之事乎湜以實告悉反
之可乎曰既發心冥冥知之果能悔過尙可占科甲湜
還其所得後僅中第六夫賭人輸財出于情愿已有如
此譴黜况有進于此者乎可不懼哉 回頭岸

浙江鄞縣郎搏九見眾人聚賭一友誘之郎曰不會友曰
我教汝得錢共分已而果勝後遂習賭未幾家資田產
賣盡妻子飢寒俱不能顧一日同匪友至尼庵庵中止
有二尼向與其友私郎因之同宿尼庵往來月餘為鄰
里所覺擒郎與尼報官重加刑訊柳號示眾妻子啣恨
竟亦不顧平時酒肉朋友亦不照應郎憤極跑跳而死
回頭岸

亳州趙某好賭家資數萬十餘年浪費一空眾賭友見其
妻美又設計誘之其妻佯許諾俟賭友集其家其妻抱
衾枕出曰列位既把我身當賭籌我從頭至腳一絲一

帛。要算銀錢。且事到如今。何忍把我半世夫妻。一朝拆散。擲骰時。與我一擲。方肯甘心。眾人許之。其夫將輸。妻在傍喝曰。待我來這一擲。作銀若干。纔下手。便贏。眾人駭視。其妻脫去外面破衣。露出閃閃珠衣一領。對眾人曰。我珠衣值銀若干。爾等該出銀若干。當即將珠衣及眾賭友交付鄰總。囑曰。速速報官。眾賭友各各罄家賠補。其夫羞慚自警。終身戒賭。蓋其妻之父善呼么喝六之術。妻得其秘。見丈夫勸化不轉。直到九死一生田地。方纔放出手段。收回敗子痴心。真是紅爐點雪妙境。亦一奇也。回頭岸

昔有富人徐池者。欲謀徐八房產。而徐八不肯賣。乃令人誘其子賭博。遂至傾家。池以賤價得之。徐八父子啣恨憤懣而死。後池三子五孫皆病。夢其祖曰。此徐八爲祟也。池惧。因向城隍廟祈禱。見一乞丐曰。夜來宿殿上。見有呼告徐池。誘其子蕩產者。不意頃來祭禱者。卽徐池也。池益惧。歸未幾。池與三子五孫皆相繼而死。古人云。害人適以害己。謂之何哉。回頭岸

暗室燈曰。乾隆乙巳年。余在昭通府。見一顧姓。其家約有二三千金。生一子。溺愛嬌養。至十餘歲。便呼朋引類。日以賭博酒館爲務。父母順之。惟代還虧欠而已。及親死。

不上三年。卽敗盡家業。妻嫁與人。作賊營生。犯經數次。官以大索。拴石鎖之。不放。後凍餓死。遂絕。豈不可惜。同頭岸

乾隆三年二月間。江南甯國府宣城縣。生員陸揚生。好賭。迷墮術中。將其妻焦氏賣銀償賭。其妻述詩十首。藏懷自縊。知縣驗殮時。揀出原詩。具詳督撫蒙 奏奉

旨給帑建詞 旌表之

原詩 其一 風雨淒淒倍慘傷。鶉衣不耐五更涼。揮毫欲寫衷情事。提起心頭已斷腸。其二 風敲庭竹正喧嘩。百轉憂愁只自嗟。燈火未知成永訣。今宵猶放一枝花。其三 生死

雖知是宿緣。人生百歲亦徒然。寄言堂上須珍重。切莫悲傷損大年。其四 靜掩柴扉只自知。妾今視死已如歸。可憐樑上呢喃燕。來日窻前各自飛。其五 是誰設此迷魂陣。籠絡兒夫暮作朝。身倦囊空歸臥後。枕邊猶自嗚呼么。其六 獨坐茅堂積恨多。生辰不幸命如何。世間多少裙釵女。偏我微軀受折磨。其七 香浮寶鼎繞清煙。叩禱神前訴可憐。但願兒夫情性易。一杯黃土亦安然。其八 人言命薄是紅顏。我不紅顏命亦慳。遺下青綃巾一幅。請郎細看淚痕斑。其九 生如寄旅死如歸。妾命如絲心已灰。遙祝吾夫休早出牀頭。幼子守孤幃。其十 誰人不願樂餘生。我樂餘生勢

不能今日遼陽化鶴去。他年華表訴幽情。

嗚呼。女慕貞潔。詠柏舟而矢志靡他。境值艱難。賦中谷而遇人不淑。未有賢如焦氏者也。觀其絕命詩。遙祝我夫休。早出牀前。効子守空幃。夫之不良若此。死且未遑。猶戀戀而不能舍。讀之真令人傷神。而爲之夫者。顧忍賣於富商。以償博債。致綠珠忽碎。情雖長而不免墜樓。良玉自焚。望已絕而思化石。真詩所謂女也不爽。士貳其行者也。其被褫衿斷指之罪宜哉。今謹錄之以揚芳徽。兼以爲士之無行者戒。

清夜鐘

孚佑帝君跋

大哉乾元萬物資生至哉坤元
應運含宏悠哉人元推廣發叢
三元會合五行變化人秉天地
造化鍾感賦情一偏習近於賭

其害甚深莫可言比拖累日久
困苦難為若能改之即刻吉祥
若能戒之厚德悠揚此爾守念
心意痛除羣言博採載在編章
普勸世俗裕久綿昌

皆在光緒庚寅菊月念日跋於
化外清風雅然居

北平後學弟子吳煦敬書

白雲道人跋

篤誠子爾精選戒賭文詞惟此賭風日
盛竟不知坑悞多少英雄豪傑胡為乎
迷不知返深可悲也深可嘆也今爾編
集成篇廣勸世俗改者其半戒者其半

則是賭風不可長亦不能全行勸化亦
可與世俗中觸目警心之一助耳惟在
歷練操持把握堅固雖入賭場中不以
聲色貨利動其心放其性則是此人也
必不能蹈其轍而終必發其跡亦不能

染於污濁同於流俗更有一種人焉鍾
情於遊戲迷不自返貪心日重財帛日
虛即使返心改性亦難免瞽欲視跛欲
履終不能立定把握受害甚深久則貪
戀終必無所不至良可悲也良可嘆也



